



Dagsetning: 17. mars 2023
Málsnúmer: 2110048/7.2

Til fræðslunefndar

MINNISBLAÐ

með tillögu um breytingar á reglum um leikskóla og gjaldskrá leikskóla

Undirritaður leggur til breytingar á reglum um leikskólaþjónustu, nánar tiltekið kafla 6 - Gjaldtaka og samsvarandi breytingar á gjaldskrá leikskóla. Lagt er til að foreldrar/forráðamenn nemenda geti fengið niðurfellingu á leikskólagjöldum milli jóla og nýárs, í Dymbilviku og í vetrarfríi grunnskóla. Ástæðan fyrir þessari breytingu er stytting vinnuvikunnar og möguleiki starfsfólks að safna styttingunni upp og taka hana á fyrrgreindum dögum. Breytingunni er ætlað að hvetja þá foreldra, sem hafa möguleika á, til að gefa nemendum frí í leikskóla á þessum dögum. Ekki er gert ráð fyrir að breytingin leiði af sér aukaútgjöld fyrir sveitarfélagið, þar sem niðurfelling gjalda mun aldrei verða meiri en kostnaður við að ráða inn starfsfólk sem þyrfti fyrir það starfsfólk sem tekur út vinnustyttingu á þessum dögum, fækki nemendum ekki samhliða. Undirritaður leggur til að kafla 6 hljóði þannig eftir breytingar, breyting á texta er feitletruð.

6. Gjaldtaka

Fjarðabyggð greiðir að stærstum hluta kostnað við dvöl barna í leikskólum Fjarðabyggðar. Foreldrar/forráðamenn greiða hluta kostnaðar í hlutfalli við þann tíma sem börn þeirra dvelja í leikskólanum, svokölluð dvalargjöld. Einnig greiða þeir hluta kostnaðar við þær máltíðir sem börnin fá í leikskólanum, svokölluð fæðisgjöld. Dvalargjöld og fæðisgjöld nefnast einu nafni leikskólagjöld.

Leikskólagjöld á hverjum tíma eru samkvæmt gjaldskrá leikskóla Fjarðabyggðar og er hún birt á heimasíðu sveitarfélagsins undir liðnum gjaldskrár.

Eftirfarandi afslættir eru veittir af dvalargjöldum:

- systkinaafsláttur – 50% afsláttur á annað barn og 100% á börn umfram tvö.
- afsláttur til einstæðra foreldra – 30% afsláttur á barn. Staðfesting liggja fyrir um að viðkomandi sé einstætt foreldri.
- afsláttur til námsmanna ef báðir foreldrar eru í fullu námi – 30% afsláttur á barn. Staðfesting liggja fyrir um að viðkomandi séu í fullu námi.
- afsláttur ef foreldrar nýta ekki leikskólavistun dagana milli jóla og nýárs, í dymbilviku og vetrarleyfi grunnskóla.**

Sækja þarf um afslátt undir liðum a, b og c **og d**. Hægt er að fá fæðisgjöld felld niður ef barn er fjarverandi 10 skóladaga samfelld eða lengur. Hægt er að fá fæðisgjöld felld niður **ef foreldrar nýta ekki leikskólavistun dagana milli jóla og nýárs, í dymbilviku og vetrarleyfi grunnskóla**. Hægt er fá dvalargjöld niður felld að hálfu ef um veikindi barns er að ræða sem varað hafa í fjórar vikur eða lengur. Leikskólastjóra er heimilt að kalla eftir læknavottorði. Forföll langveikra barna og niðurfelling gjalda vegna þeirra eru metin af leikskólastjórum í hvert sinn.



Afsláttur frá dvalargjöldum er ekki veittur afturvirkir og miðast hann við þann dag sem gögnum er skilað til leikskólastjóra. Þó er heimilt að leiðrétta leikskólagjöld einn mánuð afturvirkir ef foreldri/forráðamaður hefur t.d. láðst að sækja um afslátt og öllum skilyrðum var fullnægt á þeim tíma. Leiðrétting leikskólagjalda kemur til frádráttar leikskólagjöldum næsta mánaðar eftir að leiðrétting á sér stað.

Leikskólar Fjarðabyggðar eru lokaðir í 4 vikur vegna sumarleyfa. Leikskólagjöld eru greidd í 11 mánuði á ári. Foreldrar geta óskað eftir lengra sumarleyfi fyrir börn eða allt að 8 vikum og greiða þá hlutfallslega minna í leikskólagjöld. Beiðni um slíkt þarf að berast leikskólastjóra fyrir þann tímafrest sem leikskólastjóri setur.

Þá leggur undirritaður til að kaflinn Reglur um niðurfellingu leikskólagjalda í Gjaldskrá leikskóla orðist á eftirfarandi hátt. Breyting er feitletruð.

Reglur um niðurfellingu leikskólagjalda

Ef um veikindi barns er að ræða sem vara 4 vikur eða lengur er hægt að fella niður leikskólagjöld um helming gegn framvísun læknisvottorðs.

Forföll langveikra barna og niðurfelling gjalda vegna þeirra verði metin af leikskólastjórum í hvert sinn. Leikskólagjöld falla niður í sumarfrí barna. Boðið er upp á 4 til 8 vikur á tímabilinu frá 15.mái til 15. september. **Leikskólagjöld falla niður ef foreldrar nýta ekki leikskólavistun dagana milli jóla og nýárs, í dymbilviku og vetrarleyfi grunnskóla.**

Undirritaður leggur til að breyting á reglum um leikskóla og á gjaldskrá leikskóla taki gildi frá og með mánaðarmótunum mars/apríl 2023.

Með bestu kveðju

Þóroddur Helgason

Fræðslustjóri

